

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

A PAIN SINANCĚ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquin 'atimocĕna 'aish chŭamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni raírĭ usoquin uni 'ati ca 'aisama 'icĕ quicĕbĕtanbi. Usaquin bĕtsi uní 'ati cuĕĕnima ca camabi uni ĕsai iti 'icĕn: añu ñu ñui cara banaia a cupí ubíocĕma ití, 'ianan añu ñu cara sinania a cupí ubíocĕma 'iti, 'ianan añu cara pisa tania pianan ain cuĕĕncĕ ñu bĭanan uinu cara 'isa tania anu 'iabi ca bĕtsi uní unin racuĕotima icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masá nuituquin ain 'apumibí nishi 'acananti sinanti 'icĕn.

CAMAXUNBI CA 'UNANIA: Camabi netenu 'icĕ unicama ubíocĕma 'aish chŭamarua 'inun ca camabi nĕtĕnu 'icĕ gobiernobĕ ain unicamaribi bĕtsi gobierno 'imainun ain unicamabĕ nishananima upí iti 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upíma ñu 'acĕma 'aish ca camabi uni bĕtsibĕ sĕnĕn 'aish ubionancĕma upiti ití icĕ quixun sinanquin camabi uni usai 'inun 'aquínú camaxbi 'iásamaira oi upiti bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕcĕ unicaman sinancĕsaribi oquin cananuna nunribi sinanin. Usaxun cananuna atubĕtan atún sinancĕsabi oi nun nĕtĕnu 'icĕ unicama 'atima ñu 'acĕma 'aish upiti bucunun 'aquinti 'ain.

CAMAXUNBI CA 'UNANIA: Camabi unicama ubíocĕma upiti bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucĕx timĕcĕ unicaman ca ĕsaquin caxa:

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

Camabi nĕtĕnu 'icĕ unicaman: ĕsai 'iti 'aish ca camabi uni upiti bucutí ice quixun sinanquin ca ĕnĕ quiricanua ñuicĕ banacama manutimoquin sinánan an ĕnĕ bana 'unancĕma unicamanribi upí oquin 'unánun 'unanmití 'icĕn. Camabi gobiernonĕn ca ain nĕtĕnu icĕ unicaman ĕnĕ banacama upí oquin 'unánun 'aquinti 'icĕn. Camabi nĕtĕnu 'icĕ unicaman ĕnĕ banacama upí oquin 'unánun ca gobiernocama bĕtsi gobiernobĕ 'aquiananti 'icĕn.

1.

Ui uni cara 'iti icĕ axbi ca bĕtsi unibĕ gobiernonĕn iscĕx sĕnĕn ití icĕn. Ui cara ain tita ain papa 'iaxa quixun sinanquinma ca gobiernonĕn sinancĕx ax bĕtsibĕ sĕnĕn 'icĕn. Camaxunbi ca sinanti 'unanin. Camaxunbi ca añu ñu ati cara asábi 'icĕn, añu ñu 'ati cara 'aisama 'icĕ quixun

'unanti 'icën. Usa 'ain ca camaxbi ain xucënbë 'icësaribiti nuiananti 'icën.

2.

Uinu 'icë ëmanu 'icë uni cara ax 'icë, ui unin aintsi cara ax 'icë, ax cara xanu 'icë, ax cara nucë bënë 'icë, uisa banan cara banaia. Nucën Papa Diosmi cara sinania, ami sinanima aňu űubi rabi cara sinania, ui unicamax cara 'apu 'iti ice quixun sinania, aňu űu cara sinania, uisai cara ain papa ain tita 'ia, űuňu cara ax 'icë, űuňuma cara, usa űucama sinanquinma ca gobiernonën camabi uni űu 'atima 'acëma 'aish ca bëtsi unibë sënë icë quixun sinanti 'icën.

Uisa cara ain nete icë, a nëtë cupí ca uni 'atimocë 'itima 'icën.

3.

Ui unibi ca bëtsi unin bamamiti sinantima 'icën. Ca chiquítimoí sipuacë 'itima 'icën. Ca 'atimocë 'itima 'icën.

4.

Uinu 'icë unixbi ca chiquitimoquin marucë 'itima 'icën. Uni chiquitimoquin maruxun 'ibuati 'aíma ití 'icën.

5.

Uinu ice unibi ca 'aisamaira oquin uni itsin paë tanmitima 'icën. Bëtsi uni ami nishquin paë tanmiquin 'atimocë a ca 'itima 'icën. űuina 'acësa oquin 'atimocë ca uni 'itima 'icën.

6.

Uinu 'icë uníxa uinu cara 'ia a ca anu 'icë gobiernonën uni itsi 'acësaribi oquin sinanti 'icën, ax bëtsi unisaribi 'icë cupí.

7.

Uinu ice unibi, ami uni itsin upima sinanquin paránan 'atimonunma ca gobiernonën 'aquintí 'icën. Enë banacama sinanquinma ain cuëëncës a oquin unin uní itsi atimoí ami 'ësënanunma ca gobiernonën bërúati 'icën.

8.

Uni űu 'atima 'acëma 'icëbi uni itsin 'atimocë 'ixun ca a unin an uni bana mënioxuncë 'apu cati 'icën. Cacëxun ca mëniotí 'icën, gobiernonën cacësabi oquin.

9.

Uinu 'icë unixbi ca aňubi 'uchacëma 'icëbi bëtsi uni ain cuëëncësa oquin sipuacë 'itima 'icën. Sipunu 'icë ca anubi 'inun ëntima 'icën. Ain menua ca bëtsi menu cuantanun xutima 'icën.

10.

Unin uisa űu 'acë 'icëa bëtsi uni a 'aisamonun quixun ami mananquin

cacëxun ca an bana mënioce 'apun bëtsi uni manancë a unin banaribi asërabi cara usa 'icë quixun 'unantí 'icën, uni raírinënribi ismainun. Upí oquin istancëxuinshi ca cati 'icën, uisa cara a uní otí ice quixun, gobiernonën ain quiricanu mëníosabi oquin.

11.

Uinu 'icë uni cara uni itsin ami manania, a ca an bana mënioce 'apun pain upí oquin sinantí 'icën, sapi ca ñu 'atima 'acëma 'icë quixun. Gobiernonën cacësabi oquin pain ca isti 'icën uisa ñucama cara 'axa quixun. Uni rairinën ismainun ca axa ami manancë unicaman bana cuanan amia manancancë a unin banaribi cuanan an a uni unancë unin banaribi cuatí 'icën. Cuaxuinshi ca asërabi uisa cara a uni 'iaxa quixun upí oquin 'unantí 'icën.

Uisai cara gobiernonën bana quia usoquinshi ca an bana menioce 'apun a 'uchacë uni asërabi ain ñu 'atima 'acë istancëxun uisa cara otí ice usoquin 'atí 'icën. Anun a ñu 'aisama 'acë nètë ain fecha isquin ca an bana mënioce 'apun a fecha gobierno quicë bana bëtisoima a bana quicësabi oquinshi axa 'uchacë uní atí icën.

12.

Uinu 'icë uninbi ca ain cuëëncësa oquinshi bëtsi uni 'imainun ain xanu 'imainun ain bëchicë ubiotima 'icën, ain xubunu ca atsintima 'icën, ain quirica bëtsi unin bëmicë 'imainun quirica an buanmicë ca rairinën bitima 'icën. Usa 'ain ca uinu ice unixbi, a unix ca 'aisama icë quixun uni rairi sinanmi 'atimati banatima 'icën. Usai banacëbëtanbi an bana menioce apun gobiernonën cacësabi oquin meniotí 'icën.

13.

Uinu cara uni cuainsa tania, anu ca cuanti 'icën; ain nètënu 'aisch uinu cara tsotisa tania ca uni anu tsotí 'icën.

Ui unix cara ain nètënuax nètë itsinu cuainsa tania ax ca cuanti 'icën. Amanu 'itancëx ain nètënu utëcëinsa tani ca uti 'icën.

14.

Uix cara ain nètënuaxun bëtsi bëtsi ocë 'ia ax ca tëmëranuxma bëtsi nètënu cuainsa tani cuantí 'icën.

Ain ñu 'atima 'acë cupí gobiernonën mënioquin 'atimocë usa uni ca ain nètënuax tëmëratí rabanan bëtsi nètënu cuantima 'icën.

15.

Camabi uni ca ain netenu ití icën.

Enë nètë minan 'aishbi ca minanma 'iti 'icë quixun ca unin bëtsi uni catima 'icën. Bëtsi nètënu 'isa tanquin ca unin usai 'inuxun gobiernobëtan mëniotí 'icën.

16.

Bëtsi bëtsi unix ca quia: Uni canice ixunbi ca bëtsi netenu icë xanu bitima 'icën, ca bëtsi banan banacë xanu bitima 'icën, ca an rabicë dios rabicëma xanu bitima 'icën. Usa unix quicësaí ca 'itima 'icën. Unin usa xanu canicë 'icë bisa tanquin ca bití 'icën, a xanu cuëëncëbëtan. Atux 'isa tani ca bëchicëñu 'ití 'icën. Gobiernonën iscëx ca a uni ain xanubë sënën 'icën, xëñibua 'ainbi.

Nucë bënë cuëëinquinshi ca xanu biti 'icën, a anúribi cuëënia ca bití 'icën.

Tuácama ain tita ain papabë 'aquiananti ca asábi 'icën. Usai upiti bucunun ca camabi unin sinantí 'icën. 'Apunribi ca usai 'inun sinanxunquin 'aquintí 'icën.

17.

Uni meñu 'isa tania ca uni itsin meñu 'inun ënti 'icën. Xuburibi 'imainun añu ñuñu cara uni 'isa tania ca uni itsin a ñuñu 'inun ënti 'icën. 'Aisa tanquin uni rairibëtan mëníotancex ca a ñu ainainshima, rairinanribi 'iti 'icën.

Unin ca ain cuëëncësa oquinshi bëtsi unin ñu bitima 'icën.

18.

Camabi unin ca ain cuëëncësa oquin sinanti 'icën; uni rairinën ubíocëma ca 'ití 'icën. Uisoquin cara ain dios rabbitisa tania usoquin ca 'ati 'icën. Usaquin sinanxunbi ca amiribishi 'aisa tanquin sinantécentí 'icën; uni rairinén ubíocëma ca 'ití 'icën. En rabicë diosan iscëx ca bëtsi bëtsi ñu 'ati 'aisama 'icë quixun sinancë uni ca bëtsi unin a ain cuëëncësabi oquin 'anun ënti 'icën. Usa ain ca ain diosmi catamëisa tania bëtsi unin a 'axunma 'anun catima 'icën. An rabicë dios ca anbi rabbití 'icën. 'Aisa tani ca uni rairibë timëquin abëtan rabbiti 'icën. Rabiquin ca 'aisa tanquin rairi uniribi ain dios ñuiquin 'unanmití 'icën.

19.

Camabi unin ca ain cuëëncësa oquin sinanti 'icën. Ca ubíocëma 'iti icën. Ca bëtsi unin cacë bana 'aisa tanquin sinanti 'icën. Bëtsi nëtënu 'icë unbëribi ca 'unanmiananti 'icën. Usai 'i ca ubíocëma iti 'icën. Usaribi oi ca ain sinancë ñu ñui banatisa tani banati 'icën; ca ubíocëma 'iti 'icën.

20.

Uni rairibë timítisa tani ca uni upí oquiinschi sinanx timetí 'icën.

Uinu 'icë uninbi ca bëtsi unin abëtan ñu 'aisama tania ubioxun ñu 'amitima 'icën.

21.

Camabi unin ca libreta electoralñu 'ixun ain cuëëncësa oquin 'apu caisquin votación 'atí 'icën.

Gobiernonən ain nētənu 'icē unicama 'aquinun mēniocē űucama ca camabi uninan 'icēn. Ca esa 'icēn: Bai cha anun ca carrocama 'imainun unicama cuainsa tani cuanti 'icēn. Anun quirica buanmiti correo anun ca unin 'aisa tanquin ain quirica buanmiti 'icēn. Usai ca 'iti 'icēn.

Uisa gobierno cara a nētənu 'icē unicama cuēēnia, usa ca ain gobierno 'iti 'icēn. Uisa gobierno cara a unicama cuēēnia 'unánun ca libreta electoralűu 'icē unicaman quiricanu cuēnēoquin uicama cara ain 'apu 'iti cuēēnia quixun 'unánun 'ati 'icēn. Camabi uni ain sinancēsabi oquin ca uix 'apu 'iti cara cuēēnia, ain anē quiricanu cueneotí icēn. Cuēnēocē ca uni itsin 'unantima 'icēn, anbi cuēnēocē ca ití 'icēn. Camabi uni ca bētsibē sēnən 'icēn. Usa 'aish ca camabi uni gobierno quicēsabi ol libreta electoralűu 'iti 'icēn.

22.

An űu 'atima 'acēma 'aish ca uinu 'icē unixbi rabinima bētsi uni 'icēsai űu meetinu ianan uni rairibē nuianancē 'ianan ain rairinən űu 'acē 'icēsaribi oi 'isa tani iti 'icēn. Uní usai 'icēma 'aish tēmērala ca uni itsin 'aquinti 'icēn, ain 'apunribi mēniocēsabi oi ca 'aquinice ití icēn. Uni ain nētənuax cara uisa űu cara 'icēbē tēmēria ca bētsi nētənu 'icē gobiernonənribi 'aquinsa tanquin 'aquinti 'icēn.

23.

Camabi unin űu mēētisa tanquin ca űu meetí 'icēn. Aűu űu mēēti cara 'aisa tania a űu mēēti mēraquin ca 'ati 'icēn. An űu mēēmīcē unin ca ain uni 'atimotima 'icēn. űu mēēti 'alma 'ain ca 'apun űu mēēti mēranun 'aquintí 'icēn.

Ui uni cara, uisa cara ain bana 'icē, camabi uni ca sēnen 'icēn. Usa 'ixun ca upí oquin űu meece 'ixun bētsi unin 'acēsaribi oquin ain cupí bití 'icēn.

Ui unin bētsi uni űu mēēxuncē 'ixun ca ain cupí bití 'icēn, a 'imainun ain xanu 'imainun ain bēcicēcama upiti bucunun. Ain cupí 'itsamashi bicē 'aish 'aquinsa 'icē caapun anun a 'aquinti mēníoti 'icēn.

An űu mēēcē uni raíri unibē timēquin bētsibē bētsibē aquiananisa tanquin, ulsoquin cara ain űu mēēti 'ati 'icē quixun sinánan uisa cara ain űu meetí icē quixun acama sinánux timētia ca uni itsin usaquin anun enti icēn.

24.

Camaxbi űu mēētancēx tantiti ca asábi 'icēn. 'Uráinra tantiquinma űu mēētancēx ca tantití 'icēn. Anun tantiti nētē gobiernonən mēnlocēsabi oquin ca unin űu mēēquinmabi ain cupí bití 'icēn.

25.

Camabi uni 'imainun ain xanu 'imainun ain bēcicēcama ësai 'iti ca asábi 'icēn: 'insincēma chuámarua, pitiűu, chupaűu, anu itinu, insincē 'aish roűu 'iti. Uni ain űu meetí 'alma, uni insince, uni bētsicē, xanu casunamēcē, uni xēni acama anun upiti 'iti 'alma 'ain, ain aintsin 'aquiniama ca a 'aquinti 'apun mēniotí 'icēn.

Tuáñu xanucama 'imainun tuácamaribí upití inun ca 'aquincē ití icēn. Bētsi tuácama 'icēsaribitia 'inun ca unin xanumi sēcē' ocē tuácama bērúance ití icēn.

26.

Camabi tuá ca escuelanu atsintisa tani atsinti 'icēn. Cuploquinma ca primaria 'ati pain atsinti 'icēn. Camabi tuáratsu ca escuelanu cuanti 'icēn. Ui unicama cara escuela tēcnica anu atsintisa tania ca anu cuanti 'icēn, apun mēníosabi oi. Secundaria cēñutancēxun bētsi ñuribi unantisa tani ca bētsi escuelanuribi atsinti 'icēn, ain nota asábi ain.

Escuelanuxun ca quiricanu cuēñēcē ñuishi 'unanmicēma 'iti 'icēn. Anuxun ca alumnocama bētsi ñu 'atiribi 'unanmicē ití 'icēn, 'imainun ca upí oquian alumnonēn sinanti aribi 'unanmicē 'iti 'icēn. Bētsi menu 'icē unicama 'imainun bētsi banan banacē unicama 'imainun Nucēn Papa Diosmi sinancē unicama 'imainun ami sinancēma unicama, camabi nusaribi uni 'aish unibē nuibananti ca 'unanmicē 'iti 'icēn. Usaquin sinanmicēx ca gobiernocaman xucē unicama timēxun cuēñēcēsabi oi unicama bētsibē nishanani 'acananti 'aima ití icēn.

Bētsi unin cacēsamaira oquin ca ain titabētan ain papan cati 'icēn, uisa escuelanuxuinra cara ain bēchicēnēn ñu 'unanti ice quixun.

27.

A ēmanu 'icē unicaman 'acēsa oquin ca anu 'icē uni rairinēn 'aisa tanquin usaribi oquin 'ati 'icēn. A ēmanu 'icē unicaman sinancēsa oquin ca anu 'icē uni rairinēn 'aisa tanquin usaribi oquin sinanti 'icēn, camaxunbi ñu 'ati upí oquin 'unánan upiti bucunun.

An ñu 'acē uní 'imainun an ñu cuēñēcē uni anpan 'acē 'ain ca bētsi unix, en 'acē ca quiax quitima 'icēn. Usai bētsi unix quiti rabanan ca an ñu 'acē unin 'aisa tanquin an 'acē ñu a 'apu 'unanmiti 'icēn.

28.

Enē quiricacama quicēsabi oi camabi uni uni itsin ublocēma upiti bucuti 'inun ca camabi nētēnu icē unin ain aintsi 'aquinti 'icēn.

29.

Camabi únin ca ain ēmanu 'icē unicama 'imainun a 'urama 'icē ain caibucama 'aquianan atubētan ain ēma 'imainun mecama upí imití icēn. Usaquin 'ai cuni ca unix masá sinancēma 'aish upiti 'ití 'icēn.

Unix ublocē 'aish upiti bucucēma 'imainun unin ñu 'atima 'aquin uni itsiribi ñu 'atima 'amiti 'imainun bētsi bētsi ñu sinanquin uni raíri tsuáquirumiti usai 'iti rabanan ca gobiernonēn ain unicaman cuati bana mēñoia. Usa oquin mēnlocē banacama ca ain unicaman cuati 'icēn.

Gobiernocaman xucēx timícē unicaman upí oquin sinanquin ca enē banacama cuēñēcōxa. Usaribi oquin ca camabi unin enē bana isquin, usaquin sinanquin 'acē ca enex ice quixun upí oquin sinanti 'icēn. An 'acē unicaman sinancē bana ca bētsiotima 'icēn.

30.

Enë banacama bëtsioquin ca uinu 'icë uninbi uni raíricama upiti bucunun quixun sinanquinma, 'ëx cuëëncësa oquin 'anun ca a bana quia quixun sinantima 'icën. Uni raíri bëtsi unibë timëcëcama 'imainun gobiernonu ice apucamanribi ca usa oquin sinantima icën.